

خزینہٴ اوراق

نمبر
۱۸

جمعه ایرتسی
تاریخ تأسیس
۱ مایس سنه ۱۲۹۷

عمومی اعتباریله فنونه دار رسالهٴ ادیده در

آیده درت کره اوله رق جمعه ایرتسی کونلری چبقار

مناجات

ای در کهی جلّه نك پناهی * موجوداتك وجود کاهی
یوقلقلر ایچنده وار اولان حق * ذاتیت کبریای مطلق
مسنین او حقیقت الحقایق * هر جلوه که حق دینلسه لایق
خلق ایادیك سنك مسلم * ادملردن زیاده عالم
یك ساحه ایچنده یوزیك اجرام * قیلقده مدام سیر و ارام
ثابت کورونان تقدم ایتمز * سیاره لری تصادم ایتمز
بخش ایلیدیك نظامه تابع * یوقدر اولانی ایچنده ضایع
یکدیگره متصل طورانلر * صوك مرتبه ده اوزا قدر انلر
کیم هر بری دائمی قدیمی * اثبات وجود ایدر صمیمی
هم بعضیسی انلرك مقدم * محفی نه قدر قدیم بر دم
ککش میدانه بی تزلزل * حالا ایدور بو کون تشکل
بر شکل اوکه نا تمام قالمش * صان بی نسق و نظام قالمش
اول شکل نجو مدر مکمل * یعنی ابعاددر او هیکل
از زماندر که تجسم ایتمش * یاخود که قدر ترسم ایتمش
ماضیدر که اولور نمایان * آتیدر که بولور او پایان

یارب نه محیطدر وجودك

ماهیت واجب السجودك

مظرو فی تابع سموات * ملفوفی توالی مسافات
افلاك مشكل ومسلسل * ابعاد مسلسل ومشكل
علویدر مؤبد انلر * جمعیدر مجرد انلر
سرعتلردر هب انتهایسن * وسعتلردر هب ابتداسن

روحانیاتدر معظم * سبحانیا تدر مجسم
 ندرتدر که وفرت اولمش * کثرتدر که وحدت اولمش
 قدرتدر تا کد اوزره * تعلقتدر تجدد اوزره
 آثار کدر که منتشر در * اسرار کدر که مستتر در
 انوار کدر محرر اولبه * اشعار کدر منور اولبه
 منظومه سرمدیتکدر * هب نقش ید مشیتکدر
 وار یک مضمون دلشکاری * یوق بر مصراع سخته داری
 هب سنسین او نظمه بیت مطلع * سنسین ینه مطلعکده مقطع
 ذاتکدر او ذات بی بدایت * هر نامشاهییه نهایت
 معدوم ابدیتکده غایت * موهوم ازلیتکده نشأت
 ظاهر تأیید قدرتکده * باهر توحید فطرتکده
 برشمرده حکمتکده اضداد * یاقلاشمرده قدرتکده ابعاد
 ذراته قدر محیط ذاتک * هر دوری سنک مکوناتک
 کیم باقسه زمین واسمانه * دیر جل جلاله وشانه
 امی قیلر اسمکی قرائت * اعی ایدر اثرکه نظارت
 اظهار مؤثره بواقار * یجزمی عقوله قارشو هر بار
 موجوداته بافجه عارف * اولمازی یا نشائینه واقف
 جسم قافییه سن ویروب جان * جانه ابدیت ایتدک احسان
 سندن غیره اولتماز اسناد * عمرک محوبله محوی ایجاد
 انلر که مواظب فنوندر * بعضاً کورورزکه پرظنوندر
 وجداندر اک بیوک حقیقت * هبآنده بیوک کوچوک حقیقت
 قانونکدر دینلسه شایان * هرزده که حق اولور نمایان
 تقدیرکدر او بی تخالف * برشی که ا کادینور تصادف
 الهامکدر سنک او البت * برسوزکه کلیر بزه اصابت

ادراك ویرن عقوله سنسین * اشکال ویرن نقوله سنسین
 سنسین کیمی فکر ایدرسه انسان * سنسین نه بی حس ایدرسه حیوان
 دائر سکا جمله حوادیو * ذاکر سنی جمله مباحث
 عبلکه اولسورتون وقوعات * امرکه اولور بتون شئونات
 اعجاز نمون سنکه محضا * میلاد مسیح وطور موسی
 بر ذره ایله شمس تابان * نزد ابدیتکه سیان
 بیک شاه ایله بر کدای کتر * چقمقده حضورکه برابر
 معلوم دکل شقی رهن * سنجه ادنامی بر ولیدن
 ذاتک اولمش عقولی شامل * اولسونمی اکا شموی قابل
 بر یرده دکل او هر مکنده * بر انده دکل ده هر زمانده
 هم دورده هم یقینده هر آن * وجدانه عیان عیونه پنهان
 ازدر سنی فکر ایچون الهی * بونجه ازمان بی تناهی
 هیچدر سکا اولمق اوزره واصل * عقلک کذر ابتدکی مواصل
 بزرجه سرار هویت * اعنایه کوره ضیا وظلمت
 منظومه که نسبت اینسه ادم * بر نقطه قدر کلیر بو عالم
 یا کندینی فکر ایدرسه انسان * اولمازی نه اولدینی نمایان
 بر ذره بی وجود در او * لکن ینسه بی حدود در او
 بر قبضه تراپدر اساسی * ظاهرده فنا کلیر نباسی
 اما ایچی بر جهان معنی * کیم لطیفور قبول افنا
 جزینی ظاهرده ایله * کلیتی باطنده بویه
 بعث اشدیکل انبیانه دریا * اصحاب ایله اولیانه دریا
 قیلز می ویروب ده بر مزید * اثبات کمال ادیت
 یارب نه شرفلیدر او مخلوق * اولمش بری سنجه یار معشوق
 بو حالی کورن دیمزی یارب * سبحان الله نه سر اغرب

ربانیت تشعب ایتمش * انسانیت ترکیب ایتمش
 منکر می یامعنویت روح * علویت و سرمدیت روح
 بر نقشه در او یگانه پرواز * کیم قیلمه ده لامکانه پرواز
 یارب حقیق یکانه * سفسین ارواحه آشیانه
 انلر سندن کلیر زمینه * علینندن بو سافلینه
 بر لحظه قرار ایدوب کیدرلر * مرجعلرینه فرار ایدرلر
 طائرلر در هویت کده * دائرلر در معیت کده
 کیم هر برینه دنیسه شایان * بی پایانی ایچنده برآن
 کلیت قدرت کده بر کف * اصل الاصل بقاده رفرف
 انسان دنیلان او جسم احقر * اولمش بوکا حکمت کله مظهر
 بزده بو اونجه مظهریت * غایلرده نه در مزیت
 انلر که شو فوفزده کائن * اجرام عظام ایچنده ساکن
 قانقمی جهان یانه یارب * انلر دهامی عجب مقرب
 حکمتلرک ای حکیم قیوم * انلرجه دهاکوزملی معلوم
 بزدن دهاکا آشنا میدرلر * خوش سیرت و خوش لقامیدرلر
 بزلر کبی مبتدی میدرلر * قانی می یا سرمدی میدرلر
 یارب یارب نه در بو اجرام * کیملر ایدیور ایچنده ارام
 انلرمی دیسم عجب ملکلر * البته تهمی دکل فلکلر
 حیرت، باقیلنجه زیر و بالا * اسفل طور یور قرین اعلا
 حیرت، اولنور سه فکر و تخمین * بو صبح ایله ابتدای تکوین
 حیرت، قلنور سه یاد یارب * پکمش اعصار ایله یکن شب
 حیرت، جریان ایدوب کلن نهر * کر اولسه مقیس آتی دهر
 حیرت، هیجان نهر و ابره * حیرت شوسکوت ایچنده قبره
 حیرت، نظر ایلسه م حیاته * بر نفسمه بر مکوناته

بر یانده او محشر عوالم * بر یانده بنم غریب عالم
 حیرت حیرت بوسره حیرت * حیرتله کورنمده بو قدرت
 یاری شو آسمانه قارشو * عالم دیورز بوکانه در بو
 یا انده وقوعبولان وقایع * کیم واقع اولور خلاف واقع
 بر قطعه دیه منحصر عجائب * بر ملکه هجوم ایدن مصائب
 بر بلده ده منتشر حوادث * بر خانه ده دور ایدن مباحث
 بر فرد ده رونمون حالات * بر ذهنه کلوب کیدن خیالات
 یا بر کرم ضعیف وکتر * کیم عمر سورر تنفس ایلر
 یا بر موزی اوجسم موهوم * موهوم دیرز وجودی معلوم
 حسی حرکاتی ذاتی واردر * بر ثانیه لك حیاتی واردر
 موجود و عدم بر نفسه * بر قطره صوده هواده مسده
 تعظیم ایدلم شو کائناته * یا نیله یم او موزیاته
 انلرله دخی ای وجود باقی * اولمقده بی-وکلکک ملاقی

ایلرسه عجمیدر او حالا

وجدانمده بنم تجلا

عبد الحق حامد